

鐵崖古樂府注

冊二

鐵厓樂府註卷之六

目錄

門人富春吳復類編

金溪孝女歌

楊佛子行

金處士歌

彭義士歌

盧孤女

孔節婦

陳孝童

強氏母

蔡君俊五世家慶圖詩

鐵面郎

并引

奉使歌

春草軒詞

萱壽堂詞

傅道人歌

并引

留肅子歌

洪州矮張歌

并引

秀州相士歌

并引

禽演贈丁道人

冶師行

艾師行贈黃中子

醫師行贈袁煉師

芝秀軒詞

四章

壽岩老人歌

并引

以上凡二十有六首皆謠詠一時忠臣烈士貞女孝童仁人隱士之遺事於太史氏之所未錄者蓋可爲一代之詩史矣其激揚世教豈小補哉復識

鐵厓樂府註卷之六

諸暨楊維禎廉夫著

同邑後學樓卜瀍西濱註

門人富春吳復編

金 鑑豐未

訂

周國憲立文

金溪孝女歌

唐敬宗時撫之金溪有金銀場銀戶葛佑者輸銀不足監官
黃懷榜佑垂死佑二女投銀冶中化銀二錠事聞遂罷銀場
金溪爲二女立廟至今血食危太樸有卷求余詩爲賦孝女
歌云

金溪石石生銀鑿石石有盡銀令無時磷昨夜銀官下

戶

山頭點銀

戶葛家父無丁惟二女葛家父苦楚苦楚與死鄰二女痛父關一身

駢首跳冶裂炤闇

音叶

裂炤焚身不焚二女心天慘慘神森森化作雙

白金雙白金盛龍錦願作萬壽卮以奉天子飲一飲銀鬼泣再飲銀

令寢

身一作女

楊佛子行

楊佛子越之諸暨人

生宋淳熙光宗朝

幼知事母母病危佛子刲股

肉進母母食病立愈母歿廬墓側恆有馴鳥集墓樹隨佛子往返佛子素患癭癭大如盎道逢異人以掌訣移之背郡縣上孝感狀將表其閭佛子辭遂止年九十歲安陽韓性既爲佛子作傳同里陳敢復作楊佛子行

諸暨縣北楓橋溪楓橋溪水上接顏烏栖其下一百二十里合萬和水萬和孝子廬父墓墓上芝生萸楊生佛子與萬和孝子齊六歲懷母果二十爲母嘗百藥藥弗醫叶啖母以肉將身刲母病食肉起其神若刀圭母死返九土常作嬰兒啼倚廬宿苦塊棄隔妾與妻嗟哉佛子孝行絕人人不識感鬼神頰上生瘤大如尊何人戲手瘤上捫明朝怪事駭妻子頰下削贅無瘤痕背上一掌印爭

來看奇痕墳頭木共白兔馴更遣迎送烏成羣傍人竹弓不敢彈
豈比八九雛生秦縣官上申聞旌戶復其身佛子走告免稱主臣
主臣嗟哉佛子誰媿稱今之人有刃股乳詭孝子以爲名規免徭
征以希其旌嗟哉佛子誰媿稱

無留瘡一作無留根

金處士歌

吳人金可文賢智有才藝而自埋於民衆嘖然以處士稱之
權貴人以邱園科起處士處士絕之曰予幸有廬一區在市
關可以避風雨田一廛在都外可以給衣食學聖人之道可
以自樂不願仕也且仕榮利祿隱樂真素苟以相易彼此而
乖乖而強合吾不能已吁處士如可文信其逸而貞者歟故
集賢舊老相與署牒錫號曰貞逸會稽楊維禎爲之賦詩曰
蘇州古隱君實始虞仲隱居放言中乎清與權次曰澹臺氏言不枝
行不迕未嘗匄走諸侯前五噫之夫將其匹聯耕織爲業不廢誦與

絃亦有天隨仙配鴟夷子理釣船去之五百年求繼者孰賢闔閭古

城陰曰有處士氏曰金長身而美髯叶風局孤以古古貌疏且沉家

不失箴里不失任有餘推與人矧肯爵祿入吾心心闕下足終南叶

貧賤易屈富貴易淫故大隱在關市不在壑與林鳳凰不能引高神

龍不能引深叶人呼為處士更加逸與貞之號焉知古不如來今吾

嗟今之士既隱邱園復事王侯行無補闕言無裨謀惟祿食是媒叶

詭貞而隱詭逸而休以為吾人憂放而返澗恚岳隴羞聞處士風其

不泚然在顙豈吾人儔

詩從別本吳編疑多錯簡

按家語澹臺滅明武城人吳地有滅明家五噫見卷二荆釵曲將

其匹謂偕妻孟光隱於吳也潛確類書陸龜蒙字魯望自號天隨

子性野逸無羈檢時乘一小舟設蓬席賣一束書筆床茶竈釣具

擢船郎而已人謂江湖散人小鷁夷子見卷三東湖遊世說補盧藏

權初隱終南少室二山時有意當世此中大為隨佳處承禎徐曰以

僕視之乃仕宦捷徑耳孔稚珪北山移文

彭義士歌

義士元履

八十長者新城彭一生好義不好名天曆飢告江南氓官家鬻爵令
新行嗟哉我彭粟有盈內粟不與官爵爭豈惟內粟爵不爭民有乏
逋我代庚乏力我又代民耕民流過門給炊烹吁嗟爾民曷報彭期
以八百之長生

元史文宗紀天曆二年江瀾行省言池州廣德寧國太平建康鎮
江常州湖州慶元諸路及江陰州飢民六十餘萬戶當賑糧十四
萬三千餘石從之按是歲陝西諸路飢行省請富家納粟補官河
南廉訪司言河南路飢乞行入粟補官之令左傳若登首山以呼
曰庚癸乎則諾杜預注庚西方主穀癸北方主水史記舜紀注彭
祖陸終氏第三子錢鏐之後後為大彭亦為彭祖自堯歷夏殷封
於大彭八百歲嘗
會村人於慢亭

盧孤女

盧孤女年十五官家新條括童女東家媒娘傳巧語盧家郎選東床
奈郎自有婦妾使余不當蚤知急婚事如此悔不官家作驅使上堂
拜姑身未知下堂失身惟有死歸來抱琴彈高樓苦調不作離鸞愁
東家聘西家求明珠火貝爭委投河可乾石可泐盧家女節不可勒

生作隻影蛾死作獨根柏嗚呼丈夫腐節隨草莽阿盧之風齊砥柱
若道錢唐女淫苦安得有此盧家女

元史順帝紀至元三年五月民間訛言朝廷拘刷童男童女一時
嫁娶殆盡水經注砥柱者禹治洪水山陵當水者鑿之故破以通
河河水分流包山見水
中若柱然故曰砥柱

孔節婦

有美丈夫子玉質長髯鬚自言五十五代孔子之孫儒其母曰陶大
家大家生兒六月餘丈夫子即稱孤零丁未保麒麟雛大家一節誓
不渝身有死不二夫與孤爲命相噫嗚保抱不啻琉璃珠但願孤長
壽豎我門戶扶我輿天助孔嗣孤無虞五歲解讀書十歲能當閭二
十作賦喧三吳竭來大家八十踰孤三釜心何如紫微相君新下車
上推先聖恩及孥荐書上達天王都承恩歸來拜起居堂上鶴髮霜
顏都烹羊擊鮮婦當廚里中姆謹相呼孔家生兒天與渠康之阜曲
阜俱康之水流泗洙曰貞曰孝表一廬楊子作謂歌不誣他日太史

春秋書

陳書徐陵年數歲家人攜侯寶誌上人寶誌摩其頂曰天上石麟也蜀都賦殆而竭來相與大人賦回車竭來兮絕道不周何遜
行經孫氏陵詩如竭來已永久送王屋山微魏萬詩竭來遊嵩峯羽客
來已永久頽思如循環又送王屋山人魏萬詩竭來遊嵩峯羽客
何雙又感興詩竭來也荆山客誰爲珉玉兮按韻會竭去也又發
語詞通雅竭來猶何來也莊子寓言會子再仕而心再化曰吾及
親仕三釜而心樂後仕
三千鍾不泊吾心悲

陳孝童

孝童名福越之錢清人年十歲侍母藥病衣不解帶母病甚
水漿粒食不進口中夜潛出後庭泣於天曰我母病將死吾
何依刲股代藥天其從我乎股刲而母已死人謂刲股多救
母童不能不亦妄譽乎予謂童知愛親天之無僞者也刲股
救母知有其親而不知有其身也又豈知有名哉季世奸民
有刃股乳規免賦徭者若童又豈有賦徭而爲是哉刲股童
之天也母之救不救亦天也予居與童隣親覩其事可以宏

獎風教遂爲賦詩

錢清陳孝童十歲知孝母母病日以革藥餌空吟咀夜庭人不知磨
刀去剔股凡兒血肉軀軀小痛榎樵孰識身在親慘毒至刀斧隣里
聞孝童涕泗下如雨道路聞孝童過車式其戶堂堂士大夫結髮在
庠序母背忍絕裾母喪亡捧土我作孝童詩豈惟風童孺

咬扶古切音釜咀再呂切
睢上聲說文咬咀含味也

強氏母

毘陵強可事母以孝聞母年踰八袞可方以鄉校官調轉湖
州從事感事母之日短遂以侍親致事得陞承事郎浙東帥
府從事由是併得封母夫人縣君今年至正戊子十一月二
十三日長至適爲夫人初度日也母子恩命皆以是日至故
爲賦燕喜詩一首俾令官歌之

強氏母毘陵人年已八十又一春強家郎未七旬五十入官教邑民

六十轉官在隣郡大府婉畫方咨詢守將急移檄候吏持在門強家
郎捧檄告母母欣欣一笑還一頓庭前大樹風不停孝子惜陰寸寸
勤強家郎養母素不貧食有祝鯁寢有五色裯其肯貪天之祿一日
離其親年未及致事辭檄奉晨曠中書重爾天性真馳文箋天天不
嗔賜爾孝子七品秩緋衣始妣青絲綸強氏母隨牒封邑君一陽復
爲生辰邑官里老走僦僦上堂與母千百壽烹羊炮豕羅鮭珍強家
母抱牒謝天恩強家郎百拜百舞稱蠶尊日日起居太夫人項間壽
帶日見雙條文眼前離立五世之兒孫強家母壽無匹榮無倫

兒孫一作

孫諸

始遏合切庵入聲妣奴
答切音納始妣聚物也

蔡君俊五世家慶圖

蔡家肉譜繇司徒西蜀蔓衍雲間居胡笳一洗怨女孤世世解讀中
郎書傳家五葉忠孝俱鬱葱佳氣無時無有母有母徐卿徐生兒滾

滾麒麟駒檜巖

君俊父

老仙老不枯巖前雙桂雲敷腴繡輿從以斑斕

裾或拜或立或步趨登堂好弄如羣魚中有一人美且都柏垣成陰

返慈烏平反一笑堂上娛春衫初試如舞雩樵青漁童侍兩隅座中

有客皆鴻儒晴簾花吹引香篆午窗竹雨鳴茶爐不知人間有金屋

弱海之外為蓬壺至今諸孫稅襴襦文采箇箇成於菟玉階清夢追

爾祖種德政與槐陰符太夫人在錫冠帔曾元滿眼紆青朱紆青朱

勝買丹青添畫圖

肉譜或作內譜稅襴或作脫襴

六帖唐李守素署天策府倉曹通世姓之學世號肉譜虞世南與

人論人物江左山東尚相對至北地則笑而不答嘆曰肉譜定可

畏杜甫徐卿二子歌並是天上麒麟兒又積善褒褒生公侯漢書

傳無所出則其母怒而不食唐書張志和傳帝賜奴婢各一志和

生子也子由命屬卯左

鐵面郎美趙御史也

鐵面郎不願白玉堂願著錦衣裳上明天耳目下見人肝腸江南使

者欺天隱黃金車馱實虛牝忽焉青天近天目峯前見秋隼父老出
郭門焚香拜使君使君天上斗斟酌元氣成冬春成冬春立皇紀董
狐已脩三國史柱下惠文須出理江南驄行且止萬一讒邪塞天耳
手持堯時屈軼枝獨立殿前言國是鐵面郎真御史

按宋太宗飛白書玉堂之署今以稱翰林昔人詩所謂白玉堂前一
樹梅者正指此趙公其由翰林而遷御史者耶漢書百官表侍
御史有繡衣直指出討姦滑治大獄顏師古注衣以繡者尊寵之
也韓愈詩有似黃金擲虛牝注虛牝謂谿谷也天目山在杭州隼
鷁屬驚鳥也元史順帝紀至正三年四月詔脩遼金宋三史漢官
儀侍御史周官也爲柱下史冠正冠一各柱後以鐵爲柱言其審
固不撓常清峻也亦稱惠文冠續漢書桓典爲侍御史執法無所
避常乘聽馬京都畏之爲之語曰行漢書桓典爲侍御史執法無所
佞人入朝屈軼草指之劉向新序楚莊王問國是孫叔敖曰國之
有是衆非之所惡也東坡集趙抃爲殿中侍御史彈劾不避權倖京
師號鐵面御史

奉使歌美答理麻氏也

至正乙酉天子遣天下奉使凡十二道三十有六人偉兀氏

答理麻在選中巡察西川司臬吏舞法首擊治之方面貴臣

有驕而弗諷者亦糾詰之時政梗民必思痛豁去如鯁在咽
必吐乃已彼不答理如者如工尹商陽之兵殺三人以爲不
如是不足以反命事不幸類此而況生殺者皆不當法乎此
西川使者之可歌也

皇帝五年秋皇華遣使行九州皇明明見萬里外猶恐陰暄生蜉蝣
奉使代天明四目達九幽假天喜怒私恩讎欺皇明是非一逆海倒
流其中答理子西邊托週遊西邊有鳥其名爲休留復有老狐九尾
而九頭扇妖作怪呼匹儔股我赤子血上蔽十二旒力大泰山不可
拔答理子一觸泰山折之如不周嗚呼漢有張綱衛有史鱣元有答
理足追前猷太史筆不貶褒我作歌詩繼春秋

檀弓工尹商陽與陳棄疾追吳師及之陳棄疾謂工尹商陽曰王
事也子手弓而可手弓子射諸射之斃一人轂弓又及謂之又斃
二人每斃一人掩其目止其御曰朝不坐燕不與殺三人亦足以
反命矣休留怪鳥陸佃曰釋鳥所云怪鴟是也其鳴即兩爲國可
以聚諸鳥一名隻狐晝無所見邱山酉陽雜俎天龜九尾山海經青
蚤察毫末晝出瞑目而不見邱山酉陽雜俎天龜九尾山海經青

邱之國有狐九尾列子共工氏與顓頊爭帝怒觸不周之山折天
柱絕地維續漢書張綱為侍御史安帝時遣八使按行郡縣張綱
獨埋其車輪於洛陽都亭曰豺狼當道安問狐狸遂奏大將軍梁
冀兄弟史鰌即史魚也按元史答理麻傳載其拜監察御史劾丞
相帖木迭兒專權貪肆風紀大振擢河東道廉訪副使改燕南道
廉訪副使至治元年除濟寧路總管泰定元年陞福建廉訪使遷
浙西廉訪使天曆三年遷淮東廉訪使明年召廉訪使部尙書元統
元年陞政績甚多即繼以正六年遷河南行省右丞改翰林學士
承旨遷陝西行臺中丞致事優養而於至正五年巡察西川並不
之及又順帝紀亦第云時諸道奉使皆與臺憲互相掩蔽惟京
畿道定湖廣道拔實糾舉無避而於答理麻並不之及故詩云
太史筆不貶褒我作歌詩繼
春秋蓋以補元史之闕也

春草軒辭

毘陵華孝子幼武六歲而孤上事其母以純孝聞嘗自取孟
郊游子詞名其所居軒曰春草予爲體游子意賦春草詞

春暉庭下春雲暖春草軒前草長短中有百歲宜男花一色青蚨綴
枝滿青蚨子母生死恩草有靈芝生孝門春暉照人春不老芝草闌
干芝有孫當時夢生芝草綠瑤草琅玕棲別鵠孤兒日長草忘憂錦

棚護兒如護玉春菲菲草油油千金駿馬五花裘吁嗟兒兮毋好遊
銅駝陌上春風愁草萋萋春杲杲遊子歸來在遠道堂前何以報春

暉身上春袍照春草

作瑶草一
瑶圃

搜神記南方有虫名蠹蝓一名蠹蠹又名青蚨形似蟬而稍大生
子大如蠶子取其子母即飛來以母血塗錢八十一文以子血塗
錢八十一文每市物或先用母錢或先用子錢皆復飛歸
輪轉無已故淮南子述之以還錢名曰青蚨亦名子母錢

萱壽堂辭

為海漕府經
歷孫仲遠作

孫家高堂風日好堂前祇樹宜男草孫家阿嬈昔宜家今日宜男復
宜老香霧濛濛吹繡輿花雨斑斑上文祿阿嬈之年八十深五鸞恩
誥封泥金孫家郎惜寸陰把萱酒為萱吟易搖十歲風前木難報春
暉寸草心

傳道人歌

并序

一作傳創子歌

御史幹勒允常為余道傳道人事道人字隱陽朔人也性勇
獷壯年無所用其勇遂執硃質之役於刑部會河南有以註